



DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA,

CARDINALITIS DISPUTATIONIBUS
manè discutienda, in Scholis Medicorum, die Jovis tertiâ Martii
anni M. DCC. XXXV.

M. JOANNE-FRANCISCO LEAULTÉ,
Chirurgiæ Gallico-idiomate Professore designato,
Doctore Medico, Præside.

*An minùs salubris ad Sudorem usque, quàm ad
Transpirationem labor?*

I.



UI vivit laborat: vita est indefessus labor. Labor
quidem Organicus, & Mechanicus, sed sui generis, &
sui juris. Laboris actor, institorque operis, solidum;
opus tritura; fructus operis, liquidorum tritus, pulsus,
pressus, extenuatio. Ista solidis liquida nonnihil re-
sistent; par fluidorum est solidorum impulsui resistentia: in hoc

A

situm est constans & amicabile solida inter & liquida æquilibrium,
 summa omnium concordia. Vita in solido fundata videtur; hic fons,
 hoc principium est movendi, id motu cietur interiore & suo: li-
 quida verò impulsu agitantur externo. Prorsus moventur in cor-
 pore fluida, nec quicquam suppleant, nisi materiem summo artifi-
 cio ac impigro labore expediendam. Quas liquida obeunt varian-
 tias, colores induunt, sapores, varia tritura unius effecta sunt.
 Infinitos machinæ animalis labores & naturæ robur efficax demi-
 rare. Si fœtum spectes, non-nisi iteratis ictibus, laboribus assiduis
 in quibus sese exercet rudis adhucdum corporis humani machina,
 circuitionis, quod & vitæ est, filum orditur, ac perficit. Grandior
 factus, & robustior in fastidiosa uteri claustra sævire occipit. Labo-
 rem partus ipse fœtus aggreditur, parentem sibi adjutricem adigit.
 Quæ sæpè invita parturit, nec nisi pressa doloribus parit. At at quæ
 lux ipsi orta est, quot, & quântos, quamque insuetos accersit la-
 bores? Excussis aquarum jugo & pondere, aëris inconstantia tra-
 ditur; aliud nempè intus, & extra temperandum venit æquili-
 brium. Hinc laborum varietas & continuatio; quales exuperandæ
 resistentiæ, ut prioris determinationis, & obsequii sanguis haud
 immemor, novi & inassueti jugi docilis adeò sit futurus. Neque
 hîc meta laborum est. Quò ætate magis puer crescit ac viribus,
 eò solidiori cibo vivere assuescat necesse est. Nova non sit laboris
 forma; duriora etiam alimenta, uniûs tritura operâ in tenuissi-
 mum pollinem ac cremorem abeunt. Neque hujus laboris instru-
 mentorum curta suppellex. Dentes molæ potentiam æquant;
 manus habilitatem lingua imitatur, & œsophagus qui contritos &
 commolitos dentibus cibos colligit, & conglobatos vi suâ com-
 primit, transmittitque ad ventriculum. Magnum torcularium est
 stomachus seu prælum, quo in ore tusa alimenta ampliùs, sed
 simul & semel dederuntur. In hujus officii partem veniunt, dia-
 phragma, hepar, lien, pancreas, muscoli abdominis, qui veluti
 pistilla toridem, suprâ, infrâ, antè, retrò, à lateribus, ventricu-
 lum comprimunt fortius aut diverberant, vimque hujus tritoriam,
 quam quidem non faciunt, plurimùm tamen amplificanc. Quæris
 insuper num alia corporis pars comminationi chyli aut lævigationi
 non impigrè allaboret? Manifesti sunt cordis & arteriarum impul-
 sus. Quin & ipse aër in pulmones irruens, vehemens pistillum est,
 & ob pondus & ob elaterem comminuendo chylo accommodatissi-
 mus. Chylus ergò ab intestinorum exitu quâvis in parte tenuatur
 usque dum transpirando expiraverit. Hoc est unum œconomia

animalis negotium: hic unus in eo labyrintho labor intus. Quâvis ratione fiat, vita est: æquabilis laboris norma, sanitas, inordinata, morbus; omnimoda cessatio, mors.

I I.

HOMO labore nascitur, crescit labore. Labor itaque fit homini necessarium vitæ subsidium, & opera ipsi vita est. Vitam primum labore sustentat, postea alimento. Cumque victus, cultus non homini, uti feris, in propatulo ac sylvestribus locis sponte obijcitur, sed domi, sub tecto accurandus esset; multa alia præter victum, cultum tenuem hominum vitæ acceperunt operum incitamenta & laborum. Nonnulla quidem artificia docuit fames; sed quàm varia invenere jactatio, mollires, alienæ laudis, & inanis gloriæ cupiditas, concinnæ vestes & numerosæ, domus quæ dominum honestet suum, elegans ac benè ordinata supellex, mensa exquisitis epulis instructa, famulitium, equitium, & similia, quorum ratio si hæreditate non venerit, quantis laboribus comparentur, quibus ea cordi sunt, viderint. Hæc tamen vitæ comoda noli spernere, nec putare parvi, si vis esse aliquid, & diciet hic est. Sunt etiam animi motus, sensus & impetus, quibus vincendis, magno labore opus est, explendis verò maximo. Non ideo dices propter necessitatē vitæ, idcirco solum esse homini laborandum; integris verò & fortunatis dari omnem omnino laborum immunitatem. Dissoluta vanitas! insidiosissima blanditiæ! Quamlibet sortem seu ratio fecerit, seu fors objecerit, omnibus officii muneribus proposita est vita nostra, nec est recusandus labor, nec fugiendum homini præsidium quo sanitas conservatur, & à quovis morbo tum imminente, tum gliscente præservatur. Et verò corporis humani machina malè feriata cessatione torperet, spirituum influxus tardaretur, languerent solidorum occillationes, malè subactus aut impulsus, sanguis lentè fluere in vasis, spissesceret, hæsitaret; nisi per laborem & corporis agitationem, humores pressione ad motum, spiritus velocitate ad cursum, solida viribus ad luctandum intenderentur. Laboris loco exercitationem substituere & supponere juvat; utrumque motus est corporis humani voluntarius, cum anhelitus accessione, sanitatis tuendæ vel restituendæ gratiâ adhibitus. Non minùs motuum agitationumve ludicra exercitatio, quàm quæstuosus ac mercenarius labor sæpiùs impendit.

Imò plùs moderationis & temperationis adhibetur in seriis laboribus quàm in jocularibus hujusmodi exercitationibus, à quibus otiosi homines recedunt, satietate minùs affecti, quàm defessi. Quis etenim labor ipsâ venatione & sphæromachiâ molestior? Quis operosior, nocturnis horumce temporum choreis, & ad auroram productâ saltatione? Quis, inquam, labor equitandi, digladiandique disciplinis asperior? Quis demùm veterum cursu, luctatione, jaculatione agrestior decerni potest? Quæ omnia exercitationum genera inventa sunt, ut non secùs ac labor, corpus moveant imprimis, agitent, succutiant, utque pro laboribus data essent homini cessanti, inertì & vacuo; adeò labor ipsi salubris esse ac necessarius visus est.

I I I.

CORPORIS humani machina resolvitur in dies, perit; seu secessus fiat, secretio, ac direptio earum partium, quæ antea junctione aliquâ tenebantur; seu quod sæpiùs fit, nimia suâ labore copiam; neque plùs adjectione deficientium, quàm redundantium detractio conservatur. Usura hujus vitæ fumus est & vapor; determinatio liquidorum, non effusio; extenuatio, non cumulus; transitus non accubatio; inclinatio, non status; fuga, non conventus; exspiratio denique, non congestio. Quamdiù viget solidum, quamdiù occillat, quamdiù peregrinos & hospites attrectat humores; tamdiù vivitur. Alimenta ore assumpta non perdiù morantur in corpore, non tergiverfantur huc & illuc; sed ubique à solidis tusa tritaque, pressa undique, & undique pulsa, in partes dividuntur, quæ plùs minùs tenues, citiùs, tardiùs, seriùs, velociùs, omnes brevi ac tempestivè è corpore expelluntur. Hoc sanitatis argumentum. Magnus ille ac mirabilis vasorum apparatus, aptissima figura, partitio non temerè facta, nervosa vis elastica, consona pulsatio & æquabilis, eò spectant, ut circumagantur liquida, secernantur, excernantur. Omnium evacuationum uberrima est transpiratio; omnia enim confluxilia, & perpauca sunt evacuationes quæ per manifestas vias sunt, præ iis quæ per occultas; certâ divinationis conjecturâ, Medicorum facillè Princeps id judicavit, staticâ suâ Sanctiorius affectus est. Publica hæc est evacuatio, universalis, continua, naturæ propria. Quidquid aliorum erumpit, aversum est, deflectit à viâ, minùs naturæ manu mittitur quàm dimittitur. Tran-

5

spiratio ut & quævis alia secretio è sanguinis gremio fit, neque currentis, neque volventis, aut depurgantis se sanguinis, sed solidorum potentia liquida impellentis vi perficitur. Ut nutritionis, sic transpirationis materies chylus est, qui sanguini semel admixtus, confusus vehitur, cæcis tantum cutis spiraminibus eliminandus. Succus est nutritius, quamdiu turgidulus fuit in vasis, quamdiu circuitiois jugo addictus est, quamdiu materiem comminui expedit; absolutus verò trituræ operâ & in tenuissimum pollinem redactus chylus, & in arctissima quæ tum penetrare potest vasa excretoria compellitur, tænes vanescit in auras, si ad peripheriam fertur; si verò ad partium interstitia & cava, subita diffationis defectu tenuissima congeruntur particulae, fumus fit vaporosus, quo fibrarum mollities, flexilitas, facilisque occillatio recreetur. An hæc partium irrigatio in adultis saltem & sanis corporibus, nutritio dici potest? an eadem est nutritionis & transpirationis ratio? Ipsissima utique Lympha est quæ nutriendo rorat, quæ transpirando vaporat; imò alimento non ampliùs opus est ubi nullum fit ejus dispendium. Hinc tenes omnium œconomia animalis functionum scopum esse transpirationem. Pax alta summaque fluidorum cum solidis concordia facili & expedita transpiratione continetur. Species verò & forma æquilibrii mutatur, omnium occupatio adest, inclinatio, impotentia, tumultus, ubi occulta hæc evacuatio paucior est, aut considerata deest, aut intermittitur.

I V.

QUODCUMQUE vivit, ut transpirare, ita movere se & exercere necessum est. Quò subtilior fit transpiratio, eò subtilior, eò uberior quò sub sensum cadit minùs. Cave ne tibi sudor & transpiratio sint unum & idem; totius œconomia animalis conspiratione & concentu habeas transpirationem: sudorem vi, ac renitente naturâ penitus exprimi concipias. Non igitur sudore augetur transpiratio. Secus verò sudorem puta transpirationis decessum quemdam, & cruditatem esse, tritûs defectum & imminutionem. Quæ inter sudandum evacuatur materia, perditâ utrinque est, magno nempe solidis & fluidis intertrimento. In hoc ab invisibili transpirationis materie maximè dissimilis, quod succus hîc vaporosus, purusve sit chylus, exactè pistus omni trituræ operâ, eò ut transpirari possit à naturâ excultus. Sudor

verò liquor est è naturæ sinu vi extractus, minimè subactus, crudus omninò, multo sero dilutus, aliisve succis, ad cutis meatus ferri neque idoneis, neque destinatis, immixtus. Hinc sudore perfusum corpus languet, doloribus artuum, rigiditatibus, lassitudinibus vexatur. Objicis, quò fiat ut sanis corporibus sudores elici in perniciem queant? Cum diaphoreses hujusmodi copiosæ & humidæ, sint febrium, & inflammationum curatrices; diaphoretica morborum panacea, & ultimum in desperatis ægris perfugium; denique crissum optima sit sudor? hæc populus garrit scilicet, hæc medicastro rum cantilenæ, promissiones auxilii, doloris solatia. Dictis habetur fides; adeò quisque, quâvis in re aliâ dubitans plerumque, & sibi ipsi diffidens, falli se in uno salutis negotio facile patitur. Dubii sunt semper inter spem & metum sudores, naturæ operationem subterfugiunt, signa coctionis in morbis esse non possunt nihilque ex sudoribus judicari potest. Qui extorquendis sudoribus navare operam & studium volunt, sanguinem incendere hos liquet, & quem servare satagunt ægrum, lætho dare posse. Itaque plerumque in morbis sudores sunt symptomati, non moventis naturæ, non excernentis ad crissum, sed exprimentis morbi, uréntis ignis, & spasmodicæ solidorum diathesis effectum qui tum exturbantur humores, stimularum partium fortuitæ expressiones sunt. Interdum tamen sudationes cum ægri levamine & morbi fugâ erumpere non diffitemur; sic diarrhæa, dysenteria, diabete, pryalismo & hæmorrhagiâ, gravissimos aliquando morbos solutos esse vidimus, idque criticè. Sed quid crissus hujusmodi, seu sanguinis, seu humorum profusa? Si spectes vim nominis, pugna, & judicium est; pugna quidem naturæ morbique decretoria, quâ de ægri salute decertatur; judicium in quo impetu, perturbatione, tumultu potius quàm consilio, serie & ordine causa agitatur, ægri re neutrò inclinata, subito vel vitæ vel morti adjudicatur. Uno verbo, in crissibus etiam optimis, natura sui juris non omninò est, non 'pedetentim' & sedato nisu succos propellit; sed tumultuosè, raptim ac turbulè, humores ad incernicula sæpè non sua disturbat, determinat, non dirigit. Sudores itaque perinde ac supradictæ in morbis evacuationes, etsi quandoque utiles esse possint, semper tamen ab inordinatâ fibrarum oscillatione ac deviantibus liquorum directionibus proficiuntur. Felicissimos dicas Medicos qui copiosissimis hisce evacuationibus merito diffidentes, in sedando erethismo, ac restituendâ inprimis transpiratione as-

7
fidui , non magnâ remedium suppellectili abutuntur , neque toti
sunt in curarum sordibus.

V.

SUDORES profundere quisque non debet nisi ad summum
vexatus morbo , sudare homini benè sano , inutilis impensa
& jactura est. Luxuriosi sunt & suæ valetudinis dissoluti , quibus
ad votum dies est actus , si benè desudaverunt ; si in locum ejus
quod effluxit , multum potionis & cibi , jejuno gutture , ingesse-
runt , nimio scilicet expleri cibo , & sudore dissuere , similiter pec-
care est. Utrumque vim naturæ infert , alterum plura ipsi quam
coquere ac digerere valeat ingerendo : alterum coctivos utiles-
que humores detrahendo. Parabile est quod natura desiderat , &
expositum , ad superflua sudatur. Sudatus labor aut intempestivus
est , aut nimius. Corporis motus non succorum expirationem fa-
cere debet , sed suadere. Mollis quidem , placida & æquabilis est
quæ liquidorum motum regit potentia ; sed monentem se non ve-
xantem auscultat ; ministrari sibi annuit , regi se non patitur.
Duci vult quò vergit natura , sensim & pedetentim progrediens ,
ad corporis peripheriam succos ultrò excernit minimè conspicuos.
Accelerare gradum si jubes , abnuit sæpe , spasimum concipit , oc-
cillat perperam , motusque promit & nîsus inconditos ; confusè
& permixtè humores dispergit , quos discretè & electè digereret ,
crudumve exprimens succum quem sudorem vocant , invita &
dolens , madore cutim deturpat , quam subtili , suavissimâque aurâ
abstergeret , recrearet. Itaque neminem juvat exudare laborem ,
exercitium sic eligendum est aut moderandum , ut transpirationem
adjuves , lassitudinem caveas & sudorem. Non sit continuus labor ,
non catenatus , sed idoneo quietis & otii momento temperatus.
Inter se ista miscenda sunt , & quiescenti agendum , & agenti quies-
cendum est. Rarioris texturæ corporibus tenui cibo potuque spi-
rituoso utentibus , exercitationes sunt faciles & brevès. Ut enim
cæteris melius transpirant , sic major ipsis est ad sudandum proclivi-
tas , & promptissima , si sudore dissuant , virium resolutio. Robu-
stissimi homines , quique viscoso & crasso cibo utuntur , labores &
exercitia corporis tutò sustinent. Ne tamen violentos adeò dent
corpori motus aut sudores , aliàs in diurnas & immedicabiles
corporis ærumnas citò citius incurrerent , quibus omnes athletas ,

spe brevius, affici vidisse se, testatur Galenus. Tandem nobis liceat de pernacie sudoris vulgo indemnati, æquum tamen ferre iudicium Sudor ex se res mala est & mali ominis, quæ nullo alio fato bona esse contigit, nisi quod nonnunquam à majori malo divertat. Quæ verò sine sudore est transpiratio, nunquam non est maximè salubris.

*Ergò minùs salubris ad Sudorem usque, quàm ad
Transpirationem labor.*

Proponēbat Parisiis CAROLUS PAYEN, Parisinus;
Baccalaureus Medicus; A. R. S. H. 1735.
à sextâ ad meridiem.